

UTUSAN MALAYSIA

DATE: 06 / 08 / 2007

LID cara baik promosi negara

UM-6/8/2007.

LANGKAWI 5 Ogos — Edisi Dialog Antarabangsa Langkawi (LID) adalah cara yang baik untuk mempromosikan Malaysia serta juga membina hubungan dan mengukuhkan jalinan negara ini dengan negara peserta, kata Timbalan Perdana Menteri Datuk Seri Najib Tun Razak hari ini.

“Ia (LID) merupakan satu kesinambungan terhadap apa yang kita telah buat selama ini. Ia adalah cara baik di mana kita dapat mempromosikan apa yang kita telah lakukan di Malaysia serta membina hubungan serta mengukuhkan jalinan yang ada dengan negara peserta,” katanya.

Beliau memberitahu *Bernama* dalam satu temubual di luar LID 2007 yang berlangsung selama tiga hari, yang akan dirasmikan Perdana Menteri Datuk Seri Abdullah Ahmad Badawi malam ini.

Kira-kira 10 orang ketua negara dan kerajaan yang kebanyakannya dari negara benua Afrika menghadiri LID kelapan ini yang diwujudkan pada 1995.

Lebih 500 peserta dari 40 negara juga menghadiri LID ini yang bertemakan Pembasmian Kemiskinan menerusi Pembangunan Modal Insan dan Pembinaan Keupayaan yang berlangsung di Berjaya Langkawi Beach and Spa Resort sehingga Rabu ini.

Najib berharap peserta pada LID ini akan “membawa pulang sesuatu” berdasarkan pada pengalaman Malaysia dalam menangani isu seperti pembasmian kemiskinan.

“Memangnya mereka tidak dapat meniru semua apa yang kita telah lakukan di negara mereka sendiri tetapi kita (Malaysia) boleh menjadi asas yang baik bagi mereka untuk berfikir bahawa kita telah melakukan... sesetengah pendekatan baru itu yang telah diambil terutamanya dalam



ABDULLAH Ahmad Badawi mempengerusikan perjumpaan *fellow* Perkongsian Komanwel Bagi Pengurusan Teknologi (CPTM) Dalam Pembasmian Kemiskinan dan Perkongsian Pintar di Berjaya Langkawi Beach and Spa Resort di Langkawi, semalam, menjelang Dialog Antarabangsa Langkawi (LID 2007). Turut sama Dr. Mahathir Mohamad.

— **Bernama**

aspek pembangunan,” kata Timbalan Perdana Menteri.

Beliau berkata, LID 2007 yang kini menekankan pembasmian kemiskinan adalah bersesuaian dengan keperluan negara peserta dari benua Afrika.

“Kita telah membina hubungan baik yang cemerlang (dengan negara peserta) tetapi bagaimana mereka boleh melaksanakan (program mengenai pembasmian kemiskinan) itu, terpulanglah kepada mereka,” katanya.

Negara-negara yang menyertai LID ini termasuk Botswana, Mozambique, Namibia, Zimbabwe, St Vincent and Grenadines, Kenya, Gambia, Uganda, Zambia, Sudan, Swaziland dan Lesotho.

— **Bernama**